

## ნოდარ მელაძე

### ო ჯ ა ხ ი

გოგონა 13 წლის -მარიამი

ბიჭი 17 წლის-პეტრე

მამა 41 წლის -თემური

ქეთინო 40 წლის- დედა

3 ოთახიანი ბინა სადაც არის 3 საძინებელი მისაღები და სამზარეულო . ზავშვებში აქვთ თავისი ოთახები . გოგოს კარაოკე აქვს ჩართული და მღერის , თან ცეკვავს , ეს ყველაფერი ხალისიანად ხდება . მამა შემოდის ოთახში .

მამა-(გათიშავს ტელევიზორს) მოდი აქ დაჯექი ერთი წამით . რატო იქცევი ასე?

გოგო-მამა მე მგონია, რომ თქვენ ცოტას იცინით და საერთოდაც ცოტას ვლაპარაკობთ. მე კი ვცდილობს ბედნიერი ვიყო.

მამა-შვილო , მომისმინე . შენ პატარა ხარ და ყველაფერს ვერ გაიგებ , მაგრამ ერთი რამე კარგად უნდა გესმოდეს . არ შეიძლება ამდენი ცეკვა-თამაში . ასე არასერიოზულად მოეჩვენები ხალხს .

გოგო-მამა მე არ მაინტერესებს სხვები რას იფიქრებენ ჩემზე . თან მიყვარს ცეკვაც , სიმღერაც და ხატვაც . ყველა ადამიანი ერთმანეთს ხომ არ დაემსგავსება .

მამა-შენ კიდევ იძრომიალე ხომ ფეისბუქზე . ჰა? ხომ გითხარი ჯერ შენ პატარა ხარ და იქ ათასი სისამაგლეა და არ შეიძლება შენთვის მაგ რაღაცეების კითხვა. დედაშენს რომ დაემსგავსო ცუდს რას ხედავ ამაში . ცუდი ქალია დედაშენი ?

გოგო-არ არის ცუდი ქალი . მე ძალიან მიყვარს . მაგრამ ხომ შეიძლება , რომ თან დავემსგავსო თან არა .

მამა-რას ნიშნავს თან დაემსგავსო, თან არა ? აქ არი ერთი ვარიანტი - ან ემსგავსები ან არა .

(უჭირს ახსნა) თუ არ ეცდები , რომ მეტად სერიოზული იყო , ყველა დაგცინებს და არ გექნება ფასი საზოგადოებაში. თამარ მეფე შენი აზრით როგორ გახდა თამარ მეფე ? ცეკვადა , თამაშობდა და ხატავდა ,თუ როგორაა ჩვენი საქმე ?

გოგო-მამა ის ხომ მეფე იყო ?

მამა-მერე შვილო შენ პრინცესა ხარ , ჩემი პრინცესა და დედოფალი უნდა გახდე . გარეთ ბიჭებთან ერთად თამაშობ , ასე გინდა დედოფალი გახდე ?

გოგო-მამა მე გოგოებთანაც ვთამაშობ . თან ერთს ფილმის გადაღება უნდა და მე მთავარ როლში უნდა რომ მათამაშოს .

მამა-ვის უნდა ფილმის გადაღება? რა დროს თქვენი ფილმია ? მისმინე ეგ აღარ გაიმეორო , მსახიობობა არის უსაქმურების და უზრდელების საქმე . მეორედ არ გავიგონო შენგან ეგ . თუგინდა რომ სათამაშოდ გარეთ გაგიშვა . გაიგე ?

დედა-რა ხდება თემურ ? რატო ეჩხუბები?

მამა-შენ იცი ეს რას ბედავს ? ის არ ყოფნის სიცილ კისკისში ,რომ გაყავს მთელი დღე , ახლა მსახიობობა გადაწყვიტა, აქცევ საერთოდ ყურადღებას ?

დედა-მსახიობობა?

მამა-ჰო მსახიობობა , შენ სად ხარ საერთოდ ამ დროს , ვერ ხედავ რა ასაკშია ? (გოგოს) წადი შენს ოთახში.

(გადის გოგო)

მისმინე ქეთინო , მე წელეებზე ვიდგამ ფეხს , რომ ამათ ცხოვრება შევუქმნა და ამათმა თუ გზას გადაუხვიეს არ ვიცი რას ვიზამ . ჭკულიდან გადავალ იცოდე . ერთია და უვარგისია ყველაფერში . ფეხბურთის თამაში ამას არ გამოსდის , ბიჭებთან ჩხუბი ამან არ იცის , თავის დასაც ვერ უვლის . სამი და მყავდა ადამიანო და ჩემს იმედზე იყვნენ სამივე .

დედა-თემურ მაშინ სხვა დრო იყო , ახლა ყველა ბავშვს სისულელებით აქვთ ამოტენილი თავი . ინტერნეტმა და ტელევიზორმა გააფუჭა ყველაფერი .

მამა-მერე შენ რას მიკეთებ ამ დროს ? თუ სამჯერ რომ დაშორდება ქმარს , დაშორებულ ქმრებს ვუთხრათ ინტერნეტმა და ტელევიზორმა ვერ აღზარდა ბავშვიო.

დედა-სასიკვდილო მე ვარ მხოლოდ, რომ შვილად ვერ გამიზრდიხარ .

მამა-არ გიშველის მერე არც აკაკის და არც შენი გამზრდელი .

დედა-თემურ მე ყველაფერს ვაკეთებ , მეტი რა ვქნა გამაგებინე ? სახლს ყოველ დღე ვალაგებ , ტანსაცმელებს გიწესრიგებთ , გაჭმევთ , გივლით , ვამეცადინებ . მეტი რა გავაკეთო .

(ოთახიდან ისმის სიმღერის ხმა . )

მამა-დროზე შედი და სიმღერა გამოურთე . (გადის დედა )

(ბიჭი გამოდის თავის ოთახიდან , ნაოშნიკები უკეთია .)

ბიჭი-(თამაშობს ) ფუ , მომკლა ჩემი ბედის დედაც . (დაინახავს მამას) ჩემი ბედის დედაც მიყვარს .

მამა- მოდი აქ ბიჭო . გესმის . (ხმამაღლა) მოიხსენი ეგ საცობები . რა თქვი წელან ?

ბიჭი-არაფერი , რა ვთქვი ?

მამა-ჩემი ბედის დედაცო ხომ თქვი?

ბიჭი-ბოდიში მამა .

მამა-მოდი აქ .

(მიდის შემინებული)

მამა-შენ ხარ ჩემი ვაჟკაცი იცოდე , შენ ჩააბარებ წელს ბიზნესებზე , შენ გენაცვალოს მამა.

(კოცნის) ამას თავი დაანებე და გონება დაასვენე . იმეცადინე დღეს კარგად ?

ბიჭი-კი ვიმეცადინე . შევჭამ რა ცოტას .

მამა-ჭამე , ჭამე . მაგრამ ახლა რა დროს ჭამაა შე კაცო .

ბიჭი- ცოტას შევჭამ , დავიღალე დღეს .

მამა-მიდი შვილო ჭამე , მამის იმედი . რომელი მესი შენ ხარ აბა .ბიზნესმენი კაცი იქნები და კი მოგიხდება ღიპი და ჯიპი .

ბიჭი- აუ ,მესიმ მაგარი გაიტანა ესპანიოლთან . წავიდეთ რა ერთხელ ბარსელონას თამაშზე . ჩემი ორი კლასელია ნამყოფი და მესის ხელმოწერა აქვთ . (ჭამს )

მამა- წავიდეთ მერე , რა უნდა მანდ წასვლას ჩააბარე უფასოზე და ელ კლასიკოს დავესწროთ . თუ არადა კი შეგრჩება ეგ კიტრი ხელში .

(გამოდის დედა )

დედა-რა დროს ჭამაა შვილო , გუშინ გიყიდე ახალი შარვალი და დღეს აღარ მოგერგო ხო ხედავ.

ბიჭი-კაი რა დედა , ხვალ ფეხბურთი უნდა ვითამაშოთ სკოლაში და დავიკლებ რა . თან შენ შემწვარ ქათამს რა ჯობია.

დედა- აკაკანდება თემურ ეს ბავშვი მალე .

(გამოდის გოგო სხვა ტანსაცმელში ჩაცმული , გახედავს ძმას და იწყებს კაკანს და ქათამივით სიარულს , იცინის)

ბიჭი- გცემ ახლა .

გოგო-კარგი გეხუმრე რა იყო . ჭრელო პეპელა გაფრინდინელა , დელიავ რანუნი , ნურც მოფრინდები , ნურც გაფრინდები .

მამა-ახლა მე გაფრინდები სადაცაა . რა ამღერებს ამ ბავშვს , რა ჯანდაბა გამღერებს გამაგებინე ხომ შეიძლება . შეიძლება ამნაირ ქვეყანაში ამდენს მღეროდე ?

დედა- თემურ დამშვიდდი.

გოგო-მამა მე სხვაირად არ შემიძლია . თუ არ ვიმღერე , არ ვიცეკვე , არ დავხატე და არ ვითამაშე , მაშინ თავს მოვიკლავ .

დედა-ვაიმე ჩემი სიკვდილი .არც კაცი ვარგა რომ ცოცხალი მკვდარსა ემსგავსოს , იყოს სოფელში და სოფლისთვის არა იზრუნოს .

მამა-მოკვდი შვილო , მოკვდი ან მე მოკვდები (ცოლს) შენც მოკვდი , (ბიჭს) შენც და ყველა მოკვდეთ . მე მალაზიას ვუყურო 24 საათი , პროდუქტებზე ვირბინო და ათას პრობლემას მივხედო თუ იმის შემემინდეს შვილები გაიზრდებიან და ვერ მომხედავენ მერე თქო . შენ რა გენაღვლება , გათხოვდები და აიწყობ ცხოვრებას , თუ გაგაჩერა ქმარმა ასე ჰარი ჰარალოზე .

დედა-თემურ ნუ ამბობ ასეთ რაღაცეებს ბავშვთან . (გოგოს) სხვა მე არ ესვა მეფესა მარტოდენ მარტოდ ასული .

გოგო-კარგი მამა დღეიდან აღარ ვიმღერებ . (ოთახში გარბის)

დედა-შედი დაიძინე ოთო. მგონი ცოტა ზედმეტი მოგივიდა. (ალაგებს ოთახს)

მამა-ვაჰ .

დედა-რა გჭირს ?

მამა-გული.

დედა- არაფერია, მოიცა წყალს მოგიტან . დალიე . როგორ ხარ ?

მამა-რამე წამალი მომეცი. 1 კვირაა ასე მირტყამს . ექიმთან უნდა მივიდე .

დედა-წავიდეთ , კარდიოგრამა გადავიღოთ რა .

მამა-სად მაქვს ახლა ამის ფული . ჯანდაბა რა.

დედა-კარგი რა , რა დროს ფულია. ცხოვრება უნდა ქარიშხალს გავდეს , მეხის გავარდნას

გავდეს სიკვდილი .

მამა-გებვეწები მოაშორე ეს შენი ფილოლოგიური განათლება ,თუ ქალი ხარ . წავედი დაწვები.

დედა-წამალი აღარ გინდა ?

მამა-არა , უკეთ ვარ .

დედა- ფეხზე გაიხადე რა .

მამა-გავიხდი, ჰო .

დედა-ძლივს დავალაგე.

მამა-გავიგე , გავიგე.

(მეორე დღე ) დილა

დედა- პეტრე ადექი , დაგაგვიანდება . პეტრე გესმის ? პეტრე

პეტრე- ვდგები დედა, ვდგები .

დედა-მალე , ჩაი მზადაა. მარიამ ადექი , მარიამ . რა დილა თენდება , სიმღერა მინდება.

(მღერის) მარიამ (მარიამი გამოდის ოთახიდან)

რა ხდება მარი , დილა მშვიდობისა არ უნდა თქვა ?

მარიამი-დილა მშვიდობისა დედა .( უხასიათოდ)

დედა-მოხდა რამე ?

მარიამი-არა , რა უნდა მომხდარიყო . დღეს საკონტროლო მაქვს მათემატიკაში .

დედა-მერე ტყუილად ხო არ გატარებ მასწავლებელთან შვილო. არ დავინახო ცუდი ნიშნები იცოდე . აბა შენ იცი . ჩაი დალიე და ტოსტი ჭამე .

პეტრე- დილა მშვიდობისა დე . ჰა , გამარჯობა უდარდელა . ამას რა ჭირს ?

დედა- ალბათ მომავალი კონცერტებისთვის ხმას ასვენებს .

პეტრე-ალბათ .

თემური-დილამშვიდობის ხალხო . აბა ქართველიშვილების ოჯახო , ხომ ხართ შემართებით ?

დედა-კი არიან მაგრამ ბერიძეებს მაინც ვერ ეწევიან . (ჩუმად)

თემური-ოჰ , არ გასვენებს შენ გამჩენი . სად არის ჩემი ჩაი ?

დედა - დაგიდგამ ახლავე.

თემური- მალე მალე , დამაგვიანდება . მოვემზადები მანამდე .

პეტრე - მამა მომცემ 5 ლარს .

თემური-შენ თუ იცი რა ღირს 1 კილო კიტრი ?

პეტრე- არვიცი მამა , ალბათ 2 ლარი .

თემური-5 ლარი ღირს შვილო. გამომართვი .(მიცემს 5 ლარს ) ნახევარ კილოგრამ კიტრს მოიტან , რომ მოხვალ სახლში . დანარჩენი შენი იყოს .

პეტრე-ანუ 4 ლარი მრჩება ჰო ?

თემური-ქეთინო , გამოვიყვანოთ ეს სკოლიდან და გავაგზავნოთ შენებთან , მოსავლის აღებაში მაინც მიეხმარება შენებს . ამას ჭირს ? რახდება დღეს ბულბული მივლინებაშია ? ქეთინო-ალბათ გუშინდელ ნათქვამს ასრულებს .

თემური-ესეიგი ნაბიჯი გადავდგით წინ.

(ბავშვები გადიან )

ქეთინო- აბა თქვენ იცით , ჭკუით იყავით .

თემური- ჰა მზადაა ჩაი ?

ქეთინო-კი კი , მოდი დაჯექი .

თემური-არა , რა მიკვირს იცი ? რა საჭიროა ამდენი ფული გადახდა მარიამისთვის , მასწავლებლებთან რომ დაგვყავს?

ქეთინო- რატო ამბობ ამას ?

თემური-რალა რატო ? ასეა თუ ისე ხომ უნდა გათხოვდეს , რომ გაიზრდება ?

ქეთინო-რა დროს ეგ არის თემურ .

თემური- მაგაშია საქმე . მანამდე რომ დრო არის და უნდა ვყაროთ ტყუილად თანხა .

ქეთინო-რატო , განათლებული რომ იქნება , თვითონაც უკეთეს არჩევანს გააკეთებს .

თემური-კაი რა , არ დამიწყო ახლა . არაფერ არჩევანს არ ვაკეთებთ ჩვენ . ბედი არის ბედი .

რაც გიწერია ვერ აცდები იმას . შენ რომ ორი წიგნით მეტი გქონოდა წაკითხული სხვას გაყვებოდი , თუ როგორ არს საქმე ?

ქეთინო-არვიცი თემურ , როგორც ჩანს ბედი იყო ჰო.( მოწყენილი)

თემური-რა არ იცი ქალო? აბა იმ გამოსირებულს გაყვებოდი ჰო? ყვავილებს და წერილებს რომ გიგზავნიდა .

ქეთინო- თემო რა სალაპარაკოა დღეს ეგ, რაც 22 წლის წინ ხდებოდა , კარგი რა .

თემური- ვა , კარგად გახსოვს რამდენი წელი გავიდა .რაიყო ხო არ გენატრება ის დრო .

ქეთინო-იმიტომ მახსოვს , რომ შენ მაგ დროს გაგიცანი . რა დაგემართა , ხო არ გაგიჟდი .

გაგიჟება სჯობს თუ გათავდა სიტყვის მადანი , და თვალთა დათხრა თუ მზეს ქებით ვეღარ დახვდები.

თემური- ნეტა მართლა არ გაგჟდებოდე . წავედი .

ქეთინო- აბა შენ იცი , წარმატებული დღე .

( ალბომს იღებს და ათვალთვრებს ფოტოებს )

ქეთინო- და ახლა , რომ ავდგე და ვუთხრა . თემურ მე უნდა წავიდე . ეს ყველაფერი ტყუილია . მე შენ ყველაფრისთვის მადლობას გიხდის , მაგრამ ეს ის არ არის , რაზეც ვოცნებობდით . თურმე ცხოვრება უფრო საშინელი და აუტანელი ყოფილა . იქნებ შეიძლება ყველაფერი თავიდან დავიწყო . იქნებ გამიგო და სჯობდეს გავათავისუფლოდ ერთმანეთ ამ მოვალეობისგან . ღმერთო , მაგრამ შვილები . (გრემლი მოადგება) (რეკავს ტელეფონი) ალო, გისმენთ ? ალო. რომელი ხარ ? ისმის ჩემი ? (კარზე ზარი) (კარის გაღების შემდეგ , შემოდის მარიამი გაფითრებული . რის შემდეგაც წაიქცევა და გონებას კარგასვ .)

ქეთინო-მარიამ , რა გჭირს დედა . მარიამ . ღმერთო შენ მიშველე . რა ხდება გამაგებინე მარიამ . (რეკავს ტელეფონზე ) მიშველეთ ღმერთო . მიშველეთ. ალო გათხოვდ , სასწრაფოდ მოხვიდეთ ქავთარამის 16 ნომერში . მეორე კორპუსი სადარბაზო პირველი . გონება დაკარგა ჩემმა შვილმა . არვიცი . სასწრაფოდ მოდიეთ გათხოვთ . (შუქი ქრება )

### სცენა3

თემური- ასე ჯობდა მომხდარიყო . (სიგარეტს ეწევა) სწორად მოიქცა , გესმის ? მას ამ ქვეყნად ცხოვრების უფლება აღარ ქონდა .

ქეთინო-გაჩუმდი , არ გაქვს ამის უფლება. არ შეიძლება იმის თქმა რასაც შენ ამბობ . გაჩუმდი და აღარ გაიმეორე გეხვეწები.

თემური-აბა რა ჯობდა , 14 წლის გაუპატიურებული ქალიშვილი გვეყოლოდა , რომელსაც ვეღარ გავათხოვებდით ? რომელიც ყოველთვის წარსულით იცხოვრებდა , რომელიც ყოველთვის ტვირთად დაგვაწვებოდა ? ასე ჯობდა , უნდა შეიგნო ეს . ყველაფერი ბედისწერაა . ასე ეწერა . ის იმ ნაბიჭვარს უნდა...

ქეთინო-გაჩუმდი!

თემური- ჰო და თავიც უნდა მოეკლა . ეს იყო ერთადერთი გამოსავალი და ღმერთმა ჩვენზე კარგად იცის რა როდის და როგორ მოხდეს . როდესმე იმ ნაბოზარსაც იპოვნიან და როგორც კი მივაგნებ ყელს გამოვჭრი . აი რა მიწერია მე . შენ კი გონს მოდი და ცხოვრება გააგრძელე . პეტრეს ჯანმრთელი დედა ჭირდება .

ქეთინო- არ შემიძლია , მგონია რომ მეძახის მარიამი . ყურში მიმღერის. მგონია რომ როცა მღეროდა , მაშინ რაღაცის თქმა უნდოდა ჩვენთვის . თითქოს გვაფრთხილებდა , რომ მისი ბედნიერება დროებითი იყო . ჩვენ კი რა ვქენით , გავაჩუმეთ იმ საღამოს და იმედი დავაკარგინეთ .

თემური- დაწყანრდი , ეგ შენი ფანტაზიების შედეგია. ახლა ათასი წიგნის ამბავი გიტრიალებს გონებაში და გეჩვენება რაღაცეები . მორჩი ამ კრეტინიზმს ბოლოს და ბოლოს . უბრალო მოხდა ის რაც მოხდა . ახლა მეტი დრო გაქვს , რომ გონზე მოხვიდე . პეტრესაც მანამდე სოფელში მიხედავენ . იმუშავენ და გონზე მოვა. ცხოვრება თუ არ გავაგრძელებთ გაგვძვრება სული და ეგ არი .

ქეთინო-(ჩართავს იმ მუსიკას რასაც მარიამი უსმენდა ხოლმე )

თემური-გაგაჟდი თუ რას აკეთებ . გესმის ? გამორთე ახლავე . (უთიშავს მუსიკას ) რა გჭირს ადამიანო . ავდგეთ და გავაკეთოთ ერთი ბავშვი.

ქეთინო- რა თქვი.

თემური- ჰო , იქნებ ბიჭი გვეყოლოს კიდე და ამოგვიდგება მხარში .

ქეთინო - მე მივდივარ ამ სახლიდან . მივდივარ შენგან და იცოდე არ გამაჩერო .ეს უკვე მეტისმეტი იყო . ახლა ვხვდები რა ნაგავიც ყოფილხარ. საქონელი ხარ და მეტი არაფერი . ბავშვი გავაკეთოთ არა . ? მარიამის გარდაცვალებიდან 1 თვე არ არის გასული და ბავშვის გაკეთების იდეამ შეგიპყრო ხო ? საქონელი ხარ , აყროლებული საქონელი . არანაირი ადამიანური შენში არ არის. არც იცი რას ნიშნავს ადამიანი . რატო ხარ გაჩუმებული . გგონია არ წავალ ხო ? ცდები დამიჯერე . მაშინ ბავშვები იყო მიზეზი და ვუძლებდი ჩემს უბედურ თავს . ჰო ვუძლებდი . გესმის? კარგად გაიგონე , ვუძლებდი. ახლა კი მარიამი აღარ მყავს . იმიტომ ,რომ ყრუ ვიყავი , იმიტომ რომ ბრმა ვიყავი . არ მესმოდა მისი სიმღერა . არ მესმოდა , რომ იცინოდა .

მეგონა მართალი იყავი და დანაშაულს ჩადიოდა . თურმე ერთადერთი , ერთადერთი ადამიანი ამ სახლში მარიამი იყო . (თან ცდილობს ჩაალაგოს )

თემური-(კარს გადაკეტავს და გასაღებს ჯიბეში იღებს)

ქეთინო-რას აკეთებ . ფანჯრიდან გადავხტები თუ კარს არ გააღებ.

თემური-გადახტი .

ქეთინო-ზუსტად ათ წამში კარს გააღებ ან ვხტები.

თემური-დამიჯერე ქვემოთ ის არ დაგხვდება , რა ერქვა ? ზვიადი ნემსაძე . ყვავილები ,

წერილები . ჰოო , იქნებ მაგ ნაბიჭვარს წერ და მასთან გეჩქარება და აქ შვილზე ტირი ვითომ ? მიდი გადახტი და დაგიჭერს . ან დაახტი პირდაპირ .

ქეთინო -ათი , ცხრა .

თემური -არა რა მინდოდა , შენ გამო როგორ ვცემე ეგ იდიოტი. თურმე მართლა შესაფერისები ყოფილხართ . (ბამავს ზვიადს) ძმაო მე მიყვარს და თავს არ დავანებებ . თქვე სირებო .

ქეთინო-რვა , შვიდი

თემური -(იღებს გასაღებს ჯიბიდან და მაგიდაზე დებს )

ქეთინო-(იღებს გასაღებს მაგიდიდან და კარისკენ მიდის )

თემური -(ხელს მოუქნევს და ქეთინო იატაკზე წაიქცევა ) რა დაგემართა , გესმის ? მოდი აქ .

(პირსახოცს დაასველებს წყლით და სახეზე უსვამს ) რა გჭირს . ? ცოცხალი ხარ ?

ქეთინო მიყვარხარ ხომ იცი ? ჩემო ცხოვრება ?

ქეთინო-შენ ხარ ქეთინო , ქეთინოც არ ხარ . არაკაცი ხარ . ბინძური საქონელი ხარ .

თემური- დამშვიდდი ახლა . მოდი წამოგაწვენ და კარგად გახდები . დალიე მიდი , დაგამშვიდებს . (წვეთოვან დამამშვიდებელს მიცემს )

ქეთინო- სიგარეტი.

თემური- რა სიგარეტი.

ქეთინო- მომეცი სიგარეტი. (თემური მიცემს სიგარეტს)

თემური-არ შეისუნთქო ეგრევე , ნელა ქენი და არ დაგახველებს. (ტელევიზორს ჩართავს)

ტელევიზორი- მარიამ ქართველიშვილის ამბავთან დაკავშირებით არსებობს სავარაუდო

ექვმიტანილი . პროკურატურამ განაცხადო რომ ნაპოვნია ვინმე 41 წლის მამაკაცი ზ.ნ .

რომელსაც მარიამის ჩანთაში ნაპოვნი ყვავილით და წერილის საფუძველზე მიაგნეს .

(თემური გამორთავს ტელევიზორს) რაო ? ზ. ნ ? ყვავილი და წერილი ? ზვიად ნემსაძე ?

(შუქი ქრება )

#### სცენა 4 (მოლანდება)

თემური-მარიამ იმდერე რა კიდევ ?

მარიამი- მამა მითხარი რა ვიმდერო და ვიმდებ . თუგინდა რამე ერთად შევასრულოთ .

თემური- არა მამა შენ უნდა იმდერო. შენ გაქვს მაგის ნიჭი . მე ჩემი საქმე მაქვს და ჩემ საქმეში

უნდ ვიყო მაგარი . ყველამ ის უნდა აკეთოს რაც უყვარს და რაც გამოდის .

მარიამი-მამა შენ საუკეთესო რომ ხარ თუ იცი . იცი , ჩემს მეგობრებს მამიკოები ძალიან

ეჩხუბებიან, ისინი კი სულ მოწყენილები არიან ამის გამო .

თემური- მამა შენ ხო ჩემი ანგელოზი ხარ . ანგელოზებს კი არ ეჩხუბებიან . მამა ეს შენ

დახატე ?

მამა ვინ არის ეს კაცი .? (ნახატს უყურებს ) არადა რა ნაცნობი სახე აქვს . თითქოს სადღაც

მყავს ნანახი . მამა რატო უჭირავს ყვავილები და წერილი ხელში .

მარიამი- იმდერე მამა, კარგი?

თემური- რა ვიმდერო შვილო? მე რომ სიმდერა არ ვიცი.

მარიამი-ჰიმნი იმდერე მამა . საქართველოს ჰიმნი იმდერე .

თემური-მარიამ , ეს კაცი ვინ არის . რა ქვია ?

მარიამი- ზვიადი მამა ,ზვიადი ქვია.

თემური- ზვიადი . ოო რა ნაცნობი სახე აქვს . ზვიად გამარჯობა , ზვიად . კიდეც გიყვარს ქეთინო? ვა ეს რატომ ვთქვი ? მარიამ სად ხარ ? უი აქ ყოფილხარ . მარიამ მოდი მამას აკოცე . ვიცეკვოთ გინდა ? ვალსი ვიცეკვოთ .(მარიამის კაბა სისხლიანდება ცეკვის დროს , თემური სისხლიან ხელს სახეზე ისვამს და ცეკვას აგრძელებს ) იმდერე მარიამ , იმდერე არ გაჩერდე გთხოვ. ( მარიამი მღერის , ფარდა .)